



UPA KAITINHAU @ K. HAUPU CHANCHIN



Upa Kaitinhau hi famta Pu Kamkhogin leh Pi Thianngaite chapa 5 leh chanu 3 lak ah upa pen a hi. Kum 1952 December 25 ni'n Bualtang khuan a piang a, zilna lamin pawl 8 chan a la zil hi. Kum 1975 January in Pi Thiansiamniang tawh Pastor Liliansawi khutin pindanin a la kikhotsui ua, Chapa 3 leh chanu 2 a nei u'i.

Kum 1970 June 10 in Phunchongjang Biakin ah (L) Pastro Lalliansawi khutin Baptisma a la chang a. 1981 June 5 nin Romte 7:6 na leh La 'Ka hukdampan ka sikin thi a hunt el a' tite apatin piakthanka dawium tak a hun nei hi.

1986 February 28 in Pengjang EOC Khawmpi nan Pastor Khamkhwlian khutin Kochuam upa dingin namdetna a la chang hi. A ma hi mun chuam chuam- Chawngkhawzo, Pawnpi, Phungchawngjang leh K Tuiliphai ah ten a la cheng a, D. Khawzim in Kum 2000 AD khan kochuam phudawk tun ala pang hi. Kochuam ah mawpuakna a la tukim ah, Bial Treasurer, Finance Secretary, Secretary leh Chairman te in a thini tiang in a la pang hi.

Ama hi mipawl nawp, taima, mawpuakna ngaikhaw leh mikisumthei tak a hi. Kum ni kum thum chai ta a kipat khan taksa hisellona hun nei panin Doctor Imphal lam tiang ah a kikaitua nungin Heart Case nei a hi dan mudaw a hi. Etkawl thei dan dan ah a kietkawling zing lain 31st July 2019 zingkal an nek zawin kumtuang gam eila zawt san ta'i. Zia ni ma hin Rev. T Ngama'n in lama thakdawna neiin Biakin lama vuina Rev. S. Lama Vaiphei, Moderator Tanggam Presbytery in a hi. Bial leh Kochuam mipi ten ngaina takin a la kithaliam ta'i.

Upa P. Minthang
Secretary
D. Khawzim Kochuam



DIK TAK A THILPIAK

“Thilpiak lak ah piak nuam pen chu Sawm a khat piak a hi.” Bang ziak in? I piak ding zat bithiak piak hile hin i piak thei lo hun chang um ding a hi. Pathian in **sawm a kua** pia ding in ei phut lele i piak tei tei a ngai zing lai a, i mute apat bep **sawm a khat** pia dingah ei phut hi kipak um tak a hi.

Mi pakhat chun Sawm a khat hi '**ngamtawk**' in kipia le a khawkna um ding ahem? tiin a gen a. Ziagual ngaidan pu gingtute laka i um khak ding u hi lauam tak a hi. Pathian in ama dawî dân gual a thil bawl lote leh pia lote a pawm ngai pua'i. Kaina leh Abel te'n thilpiak a lân gel gel ua, Abel thillat bep Pathian kiang a tung hi. Saulin kithawina dinga Bawng a hung puite kha Pathian in a pawm lo a hi kha. Pathianin i piakna lungthim kha a en zaw a hi. Bible chun it sa sa pia loin lungsung apat pawt Pathian dawidan ah pia zaw ding in ei gen hi. Meithainu thilpiak kha hezing hi tiu.

Zia chu ahi zinglaiin gingtu tam takte'n a piak bep buaipei a, a piak dan buaipei kit lo i um kit ua. A khawk ma ma hi. Pathian thu chun Sawm a khat pia ding bep in ei phut pua, **dik tak** ah pia dingin ei phut a hi. “Ka van tukvante hawng in, a kawina'n a dawî lo ding khawp malzawl na'n ka hun vuk paw na ve em, ti ei patep ma tiam un...” tiin (Malaki 3:7-10) malzawl na ei vuk nuam a hi.

July leh August tha sungin i Kochuam pumpi huapin Fianance Campaign i nei zo thei ua, Kochuamte'n thilpiak lamin nasatakah ma i sawn danteu hiatin kipak a um ma hi. I Kochuam hi kochuam mipite'n ginum taka 'Sawm a khat' a piak khawm teu ah kinga i hiu tileu hin genkhial khel pua'i tiu. Zia chu miin a sum lâklûta apata Sawm a khat, Pathian â dinga dik tak a piak chu a hi. Pathian kiangah thilpiak/sawm a khat piak i ngaikhawk thak ua, a hiding gual tak ua piak nak ua chun Kochuam in masawn zaw nalai hitiu.

Piak ding nei lote laka pang khalo a um hi Pathian malsawmna ei ve! A pia lote laka pan sangin a piate laka pan khak hi kipak a um na lawm lawm e! Piak ding bep gen mawi a, piak gawlo leh piak dik gaw lote i hi kha tawl uh em? Pathianin dik taka pia ding ei phut ngal a.

Lalpa'n Hinna Vak simtute zosia malzawl chiat ta hen !



MPCS MANIPUR AREA

*Rev. R. Lalhmingsanga
Administrative Secretary*

1. Sum dinmun : July 2019 June tha sum dinmun chu zia gual hi a hi:

1) Pathian gam dinmun (June 2019)

Budget Head	2019-2020 Budget	June '19 Receipt	July '19 Receipt	Total Receipt
a) Pathian Gam	3,07,40,000	24,50,803	26,66,546	1,01,84,086
b) Anchangham	35,60,000	63,32,803	3,84,754	14,12,085
c) Gamthak	1,33,00,000	14,82,263	15,00,174	58,63,933
d) Sêmtu Chawpna	15,00,000	1,68,520	1,64,116	6,12,223
e) Sakramen	2,00,000	5,409	19,384	1,16,638
f) Sunday School	1,00,000	2,710	25,551	43,821
g) Kichenna	5,000	500	220	3,790
h) Damdawi In	<u>35,000</u>	<u>600</u>	<u>52,522</u>	<u>54,172</u>
Total	4,94,40,000	44,43,608	48,13,267	1,82,90,748

2) Pastor Bial chuam chuam Pathian Gam sunlut dan:

Sl.no	Bial	June, 2019	July, 2019	Thelut zat (Fin. Yr. sung)
1.	Imphal	6,85,730	8,62,705	04
2.	Lamka	6,82,886	6,34,498	04
3.	D. Phailian	5,26,653	6,17,908	04
4.	New Lamka	4,46,540	6,03,351	04
5.	Mata	4,36,803	4,07,548	04
6.	Kangvai	3,14,381	3,08,355	04

MAC reports:

- Rev. R. Lalhmingsanga Administrative Secretary Manipur Area thugenna kochuam khenkhat i.e. Kangvai kochuam, Torbung Kochuam leh Jubilee Kochuam te a pakna la a va kisa thei hi.
- 9th August nitak in D. Phailian Pastor Bial KKP te'n Fellowship hun ei matpi ua, amau apat in thilpiak Rs. 3700/- a kidawng a kipak aum khawp mai hi.
- 10th-11th August 2019 sung in Lamka North Presbytery KKP meet na hun in a kipang thei hi. Pathianni zingkal, Sunhun leh Nita kihawp hun in Pakna la sak ahi. Chun Meet committee a pat in thilpiak Rs. 10,000/- dawn ahia kipak a um khawp mai hi.
- 12th August ni'n Sugnu Pastor Bial Donjang Biakin ah video album â ding la khat shooting bawl a hi.
- 16th -18th August sung Mata Pastor Bial KKP meetna a va kipang a, football friendly match numei a leh pawsal a chu Mata Pastor Bial choir te toh a kinei hi. Chun Pathiani nitak Biakna Kikhawpna in Pakna la sak ahi.
- 23rd August 2019 ni'n la pathum (3) Video Album â ding in recording a kibawl hi.
- 25th August Pathianni zingkal in BSI (Churachandpur Branch) Annual Conference 2019 na, Rev. Lalhmingsanga AS Manipur Area thugenna hun ah chawihawina la ava kisa thei hi. BSI (Churachandpur Branch) puitu te a pat in thilpiak Rs. 2000/- a kidawng a kipak um a ki sa ma mai.
- Manipur Area Choir (MAC) te'n ma a sawn zelna ding un pauchapnau in del zui zing hitiu.

THU MAN TAM*Tv. Js. Paulunthang Vaiphei.*

- * Zû le sa'n la damtheina te leh la taksa hawi lai a hun thâ ah a hun suksiat masang in, nangin la taksa leh damtheina daltute that in.
- * Kiletsak na'n kineu sakna hinkhua a hun thâ masangin, lunggil ahung pawt kiletsakna chu that in.
- * Khamna thei ten ; la taksa hawi lai zosia a hun thâ masangin kivengbit dan thiam in.
- * Lunggim leh lungkhamna'n la kipaknate a hun thâ masangin that in.
- * Khawvel nawpsak naten masang ah la chan/nei dingte a hun tha masangin that in.
- * Mobile phone in la hun tam zaw ahun tha masangin that in.
- * Umchan hawilo in la mel hawina a hun thâ masangin that in.
- * Kigensiatna'n kihepina a hun thâ masangin that in.
- * Kisikna'n la kinepna zosia a hun thâ masangin that in.
- * Kiawimawna'n insung kipakna a hun thâ masangin that in.
- * *ROME 8:13-14*
- 13. *Taksa dân ah la um zing uh chun thi ngei ding la hî'u; himaleh, Thagau ah chun taksa thilhi'te la thâ zing ua leh vang hing in lau.*
- 14. *Pathian Thagau pui ah um tapote chu Pathian chate ahi ngal un.*

7. Sugnu	2,02,860	2,96,961	04
8. S. Kawtlian	2,38,937	2,51,861	04
9. Delhi Kochuam	82,917	1,24,499	04
10. Panglian	78,386	1,02,927	03
11. Leilon	71,300	1,01,140	04
12. Sharonphai	72,470	89,725	04
13. Munpi	1,57,067	64,493	04
14. D. Khawzim	1,61,960	62,500	04
15. Leijangphai	34,471	60,164	04
16. Dumlian	42,842	45,140	04
17. Kawlhen	74,815	42,370	04
18. Jiribam	19,835	30,485	04
19. B. Phainuam	17460	29,340	04
20. Phaipheng	23,240	20,190	04
21. Phailianbung	38,530	15,067	04
22. Tungkyaw	16,350	12,500	04
23. Nanphalong	7,400	7,500	04
24. Chingmei	6,275	6,260	04
25. Kalaymyo	3,500	3,780	04
26. Guwahati Kochuam	-	-	-
27. CKNP	-	<u>12,000</u>	-
Total	44,43,608	48,13,267	

2. Kawlhen Pastor Bial Seminar

July 13-14, 2019 sungin Kawlhen Pastor Bialin Bial huap "**Rawngbawltu Seminar**" a guanggal chu Rev. R. Lalhminganga, A/S, Manipur Area in a va nei pi hi.

3. Kangvai Pastor Bial Seminar

August 4, 2019 ni'n Kangvai Pastor Bial in Bial huap Seminar a nei nau ahin Rev. R. Lalhminganga,

A/S, Manipur Area leh Rev. K. Neihzial, Area Co-ordinator te'n **"Pastor leh Upate Jite Mawpuakna"** leh **"Presbyterianism"** te thupi a mangcha'n a va zilti u'i.

4. **S. Kawtlian Pastor Bial Seminar**

August 24, 2019 ni'n S. Kawtlian Pastor Bial in Bial huap Kochuam Committee Seminar a nei nau in Rev. R. Lalmingsanga, A/S, Manipur Area in **"Presbyterian Kochuam chiadan leh Semtute mawpuakna"** a zilti a, Rev. K. Neihzial, Area Co-ordinator in **"Kochuam Pau Mat Dân"** a zilti hi.

5. **BSI, Churachandpur Annual Conference-2019**

August 24-25, 2019 sung in BSI, Churachandpur Annual Conference-2019 chu Reformed Presbyterian Church (NEI) Peace Lane Biakin ah nei hun in Rev. R. Lalmingsanga, A/S, Manipur Area in Pathian thu genna a nei a, Manipur Area Choir ten le pakna la a va lem thei u'i.

6. **Finance Campaign nei zaw thu**

Manipur Area Kochuam pumpi huapa Finance Campaign nei chu zaw fel a hi ta'i.

37. Biak insung ah 'zawna puan' ti gual deu hi bawlo a pha'i.
38. Kikhawp pel tak leh kitup tak ah pawt/pel sek ding a hi.
39. Biak in pawt pawt leh Mobile phone, muam leh chep bawl pai zing lo a pha'i.
40. Biak in van him him upate phalna loin kawî chawn mai lo ding a hi.

EVANGELISTIC BURMESE CAMP REPORT

A na semtute kipakman pia ding ah hung vak ta ding i Lalpau Jesu min in chibai ka hun buk hi.

Dt: 21-23, June 2019 nin Pa Tiantinkhai, Tungkyaw khua leh Nanphalong Presbyterian kochuam (MPCS) te sponsored-na in Aphuatset khua Mrs. Khinmayi-te In ah Burmese Camp mat zaw a hi. Kalaymyo Bialtu Pastor, Zuankhawmang leh Missionary te kithua khawmin Chanchinpha hil a hia camper mi (7) in Jesu chu hukdampa_ding in_a hun pawm ua, Bialtu pastor in Baptisma a chansak ngal hi.

Ziate chu:

No.	Min	Kum	Pamin	Khua
1.	Mr. MinNong Thuai	40	Mr. Laykyi	Aungtitsa
2.	Mr. Te Te	26	Mr. Thei Lwin	Aungtitsa
3.	Mr. Si Tu Kyaw	19	Mr. Than Nai Oo	Aungtitsa
4.	Mr. Aung Ko Min	11	Mr. Than Nai Oo	Aungtitsa
5.	Mr. Jo Jo	29	Mr. The lin	Aungtitsa
6.	Mrs. Thida	33	Mr. Lua Aung	Aungtitsa
7.	Mr. Kyaw Min Soe	37	Mr. Ba Moe	Aungtitsa

18. Thugentu'n thil nuizatum leh tawt thu deu a genin leh ngai tak leh sawt pi pi nuilo ding a hi.
20. Biak in sung ah camera/mobile phone mang ah lim ha lak lo a pha'i.
21. Biak in ah lim i lak tak leh Maicham leh Pulpit nai takluat lo a pha'i.
22. Biak in sung ah lim i lak tak leh palak tak ah umlo a pha'i.
23. Biak in hawng ah kicheng ten mipi pawt zaw nung ah a chuam ah lim lak lo a pha'i.
24. Biak in lut ding tak leh Mobile Phone switch off a hem silent mode a hem ah kawi sek ding a hi.
25. Biak in sung ah Mobile Phone apat ah Bible leh Khristian Labu etlo ding a hi.
26. Biak in sung ah electronic gadgets dang (e.g. tablet, etc.) mat lo ding a hi.
27. Biak in sung ah din hun tak leh pha tak leh zaum tak ah din ding a hi.
28. Biak in sung leh a pawlam (compound) kem thiangthotu hi tup zing ding a hi.
29. Biak In ah devotion mang ten Pulpit leh maicham khel mat a ngai pua'i.
30. Biak in sung ah drama/skit bawl a hi chun Biak in ah bawl ding kilawm tawk hiat ding a hi.
31. Biak in sung, Maichâm leh Pulpit nai khel khel ah thagau zenawi chan khel tup lo ding a hi.
32. Chairman leh Thugentute chu lim ma ma ziang leu le a chutna'u taisan lo a pha'i.
33. Biak in sung ah chun lam dan pangai tak ah lam mai a pha'i.
34. Pauchapgual tak leh mi zaw nung ah sawt pi pi pauchap sek lo ding.
35. La chang gentun le gennawn tam tak luat ding kiven a pha'i.
36. Biak in ah Haleluia/Amen ti hun ding kilawm hiat a pha'i.

KHRISTIAN SUNGKUAN

Rev. C. Zoramawia

Thumapui: Khristian inkuan chungchang zil ding i hi'u a, gendi tamtak a um a, gensen di ahilo ziakin a pawimaw diak sui gua hi tiu ziagual ahin:- Inkuan chu bang ahi em? Khristian inkuan umzia; Gingu mawpuakna Khristian inkuan tungdin; Khristian inkuan kipatna-kichenna; Nupan kilaichinna pha; inkuan kikhawp ti te hi sui hitiu.

1. Inkuan chu bang ahi em?: Sociologist lopi tak R.N. Sharma chun "*Inkuan chu in pakhat a mihing chengkhawm hi ahi mai pua, zi leh pawsal thazak nuaia chate tawh lunggual tak leh kilaichinna na boruak pha takin a kankhawm khawsak khawmna hi ahi*" atia. Ziaziak chun ,inkuan chu vantang khawsak khawmna pha bulpatna leh kingakna ahi. Pawimawna thuk tak a nei a hi. Inkuan chu thisan kizawm ahi zia in thil nei kikawp, in khata cheng khawm, nekhawm, khawsa khawm hi ahi mai pua, kilunggual tak leh lungthim leh thagau kinel leh kizawm khawm a hinkhawm hi a hi. Khristian thiïlna apat vang chun inkuan chu kilunggual tak leh kinel taka in khata chengkhawm, khawsa khawm tina mai hiloin, Khrista ginna gui khat tukhawm a, lungthim munkhat pu a, Pathian lopina dinga umzia nei taka khawsakkhawm na hi a hi. Inkuan chu Lalpa a ahia, a kingakna suangphum chu Lal Jesu Khrista hi in a lungsiatna nuai ah um ahi, ti hi Khristian te ngaidan a hi.

2. Khristian Sungkuan

umzia: Khristian Inkuan umzia hi genchian utdan nei sek hitin uh. Bang chu hitaleh, Bible apata mu dan hi genchian na pha tawk in ngai hi ti'u. Khristian inkuan chu Lal Jesu ging a , a hukdam na chang tu inkuan hi ahi. (Nasepte 16:31), zia chu Pathian thuawi a, ama hiatna dika hetu inkuan hi a kawak hi. (Gen 22:1-18). Chun, Khristian inkuan chun a inkuan hindan baktincheng a Pathian a kinem zingin (Sam 78:7-8), Inkuan a Pathian launa tak tak nei in a nisin hinkhua a mang sek ua, Pathian launa tawh nekhawl na le a sem sek u'i (Nasepte 10:1-6). Lal Jesu chu lal a nei in a inkuan un a na asem sek u'i. (Jos 24:15). Pathian biak leh chawihoina'n a hinkhua leh hun, a nei uh sum leh pai te amang sek u'i (Nasepte 10:2). Nl. Vanlalsawmi

chun "*Khristian inkuan chu Pathian lau tu ,nu leh pa ahem gingtu phatak ahina mai hilo in ,acha teu leh a inkuan ua cheng zosia te Lal Jesu Khrista neitu leh hepitu inkuan leh Pathian dawigual leh ama lau kawma athupiakte zawma nek hawl sek leh nasem sek, Pathian apat a malsawmna a dawn gual ua pekit sek inkuan ahiu i ti thei u'i*" a ti.

Khristian inkuan chu Jesu Khrista Lal leh hukdampa ah pawm ah, Ama a kinem leh gin ziaka nasem sek inkuan hi Khristian inkuan chu a hi. Chun, Khristian inkuan chu Jesu kona dawng ah, a inkuan hinnau peng tincheng a Khrista vai a hawmsakna inkuan, Khrista a ginnau chun a kaihuai leh a sukhat a, a dawiguala um dinga theitawp sua sek inkuan hi a hi. Chutichun, Khristian

BIAK IN AH UM DAN DÀN KILAWM—40

Rev. Chuauthuama

1. Biak In ah kikhawm ding i hi chun van kilawm leh thiangtho ah kivan a pha'i.
2. Kikhawm ding i hi ngal chun a thei hâm leh chia vaimat a pha'i.
3. Biak In ah kikhawm ding chun Bible leh Khristian Labu chawi ding a hi.
4. Baik In Compound tunma in muam leh chep paithian vek ding a hi.
5. Biak In compound tun nung ah lut mailo ah vak vel vel a kilawm pua'i.
6. Biak In sung ah lut nung in kinaw the thu ah chia loin, lam zawt dan pangai ah zaum tak ah chia a pha'i.
7. Biak In chutna nunglam a chu mailo in a malam zawt a pha'i.
8. Biak In a chanvo neitu, a bikin pantu chu a malam ah chut a pha'i.
9. Chutna mun ah kichut tup phat leh pauchap a pha'i.
10. Biak in sung ah a nawp thei ding dan tak ah chu mailo in zaum tak ah chut a pha'i.
11. Lasak lai in Khristian Labu et sek ding a hi.
12. Bible sim lai in a bung leh chang a la et sek a pha'i.
13. Biak in sung ah thu kigen zosia phatak ah ngaithak a pha'i.
14. Biak in sung ah nek thei nek keilo ding a hi.
15. Biak in sung ah hisel lona ziak a hi ngallo chun tui dawn ding chawilut lo a pha'i.
16. Biak in sung ah numei ten sam siamtup, mit chei, puan chen phat, make-up te hi bawlo di'n a pha'i.
17. Biak in sung ah vuang/ imut lo ham ham a pha'i.
18. Biak in sung ah kihoguk a hem, nui se su a hem te hi a kilawm pua'i.

A HUNG TUNG DING GENLAWKNA

-Pu Soizakho, Bethany Kochuam (Hmuia Veng)

Mathai 25:1-13 na i sim chun Thagau nei leh neilo in a kikhen hi. Pathian Thagau nei lote chu thautui neilote chu a hi'u. Thupuan 20:6na chun, "Pathian Thagau neite, thokitna masa thokit te chu a hampha'u Khrista tawh kum 1000 vaihawm khawm in au, thawkitna masa thokit lo te chu gingtu hi leh le tho nunung in a". Thupuan 14:20 na chun kidona thupitak Almagadon thisan sakol kamkai tiang ah thisan luang ding ti a gen a. Zia zaw tak chuleh gingtu thonailo te kha hung thokit inti'u in Pathian in ah mite toh umna ding khawpi thiangtho, buak mawng mawng umlona sana kijem khawppi thiangtho lutna ding ah chun kisukthianna gawtna nasatak ah hal thian hin au ti i mu kit hi. Isai 66:24 na i sim chun, Amei la thi tapuan tin, a than la thi ta puan a. Zia chu hal thianna hin tin, ziatak chu leh haksatna nasa tak in thuak intin uh, kisik in Pathian bep bep a lungthim un um in tin, tak chu leh khawpi thiangtho in luthei bep in au, ti i mu kit bawh hi.

Zia zaw tak chu leh Thupuan 20:8 ah chun Gawk leh Magawh kiti, leilam vaidap suak kei in tin uh, atamdan uh chu tuisuagiat piaunel zat in tam intin, kido dingin mi thiangtho ten a ngainat uh khawpi chu sîm ding in a um kimvelm ding a hi'. Zia tak chu leh van ah kipat mei hung kethan tin, a bawnun kangtum siksek tan a. A lengun thisik sek in nau, tak chu leh a bawn un hung thokit ding a hui ti i mu bawek hi. Thupuan 20:11 ah chun 2nd coming ah Lal Jesu hung kum intin vaihawmna nunung pen, kël nam leh belam nam khenna um intin vana minlamna bu phet lamna um intin, minlamna bu ah min umlo tapo chu meidil ah a paithak hin au. Lekha bu ah min um tapo chu khawpi thiangtho ah chun lut in au. Zia chu hun tawpna hi tan tin, zia zia ah chun Thagau Thiangtho nei a ngai hi. Thagau Thiangtho nei ding in i chan chiatun Lalpan mal ei zawl ta hen. AMEN

inkuan chu Lal Jesu ginna munkhat ah kinel taka khawsa khawm leh inkuan a Lal nasepna, a dawiguala hinga, a vaihawmna nuaia kitulut sek inkuan hi a hi, zia hin gensiat bei leh hinhawi bukim ah hingte chau tina a hi puai, Khrista batna lama khanglian zel dinga Khrista ah kinepna dik tak tawh nasema, Pathian lau leh hepina ah thuk kit sek inkuan hi a hi. Chutichun, Khristian inkuan chun Pathian biak khawmna hun hawi tak nei in, ginna mun khat tu in, Kochuam kikhawp ngai pawimaw in, Pathian pak leh pauchap te, thilpiak a nasepna ngai pawimaw a, minuainung te ngaisakin, gam leh khawtang a khua leh tui pha tak hi in ginum takin a hing sek u'i.

3. Gingtu mawpuakna – Khristian inkuan tung din: Douglas Mac Arthur

chun, "Inkuan phatak a saklo khel a phelkit haksa hi a um puai" a ti. Zia thu hin inkuan tungdin kawnga pilvang leh chilgil a pawimaw zia ei hil chian ma ma in a. Dr. Keneth Chaffin chun "Inkuan hi khawvel a mite kipunkhawmna lun pen leh to pen di a hi. Inkuan a lawsap chun khawvela pawl dang zosia hi a lawsam sa a hui, zia chun, inkuan pha tungdin hi khawvela na pawimaw pen ahi " a ti a. Khristian inkuan tungdin a kul zia leh a pawimaw zia eihil ua, gingtu mawpuakna ahi zia ei hiat chiansak ma ma in a.

Inkuan hi nam, kochuam, Solkal umma a um ta a hia, hindan zilna masa pen leh bulpi pen a hia, sakhua bul kipatna mun a hi. Inkuan a i umdan hin vantang leh Kochuam a i umdan leh tunung lama

i umdan di ei hila, Sorkal leh nam leh kochuam kingakna a hi. Chun, inkuan hi mihing hindan sekawna sikul masa pen a hi. (Ezek 16:44; Deut 6:4-7), sakhuana kawnga kizilsakna mun pawimaw pen leh masa pen, mission field nai pen ahi ngen a. (Sam 96:2). Chun, inkuan chu sorkal neupen hiin vaihawmna mun a hi (Deut 5:16; 1Kor 11:3), damlou ten damna a chan theina ding damdawi in nai pen a hi bawk (Sam 68:6; Exo 23:25). Ziagual taka inkuan chu pawimaw ahi leh chu inkuan tungdin chu chilgil tak leh pilvang taka Pathian dawng kawma ibawl ngei ngei a ngai hi. Ziak a chun, inkuan tungdin phatlo chu gam leh khawtang, kochuam a se lama sukha thei a hi. John Mc Arthur chun “Inkuan hi vawp phat ahi lo chun khawtang a thil zosia hi chup intin, zia chu

pumpel gual ahi puai” tiin inkuan pawimawna a gen hi.

I nam siampha ah, khawtang leh kochuam, mimal hindan a phalama sudanglam di chun Khristian inkuan phatak dindaw hi pawimaw masa pen leh gingtu mawpuakna a hi. Inkuan a Khristianna in mun a chan thukna, Khrista a lalna gamleh namte chu vantang hindan a zalen a, a galmuanga, hindan alima, masawna a hat hi. Inkuan a Khristianna in mun a chan thuk lona gamleh nam hi chu khawsak khawm a haksa a zalen pua, hin adawilok a, masawna a hat thei pua’i. Zia ziak chun, Khristian inkuan chu kochuam, gam leh khawtang ma maw a hi. Inkuan ah Jesu Khristan thuk taka mun a chan theinan Khristian inkuan tandin hi gingtute bawl makmaw leh i nasepna di

hi a changkang bika, Khristian gam chiat chiat lakin le Protestant gamte hi a changkang chuam bik a, Protestant gamah le Presbyterian suante chenna gam a changkang diak hi,” tiin a gen hi.

Suangkuan leh khawtang hindan dikte, gam vaihawmna dikte hi i ngai pawimaw ua, i Khristianna hin i chennau mun hi “Lei chi la hui a,” ti gual khan a al ngei ding a hi. Pathianin dawitaka a siam khawvel hi nuaisia in, “Aw bei mai ta’n lei gim um,” ti mai loin, “Nang la um chun lei van a chang sek,” tiin lei hi van mun tep lawkna mun dinga siam i tup ding uh a hi.

Thukhakna : Presbyterianiam i zil takteu apatin zil thak ding um ngei in a. I Kochuam hi Kochuam lian leh det tak,

thugin leh ziltina lamah a hausa leh phat tak a hi. Kochuam ah Lal nasêmtute hin i Kochuam chia dante hi zil mun leh zil pei a pawimaw ma ma hi. Mani umna Kochuam chiadan leh zia hiachian lote ding a chun nasemtu taksan um hi haksa mai thei in a. Presbyterian ziltina hi kiziltin mun in hindawkpi leuhin i thagau lam hindan bep hilo in, i nisîn khawsaknau zosia ale nasa takin masawnpin ngei hitiu. Paul chun ei suhattu zalin bangkim ka bawl thei hi a ti gual khan Khrista masuanin ginna in Kochuam leh Khrista a din kipia hitiun, Pathianin ei mang ngei ina ti hi taksang hitiu. Lungthim thak leh kipiakna thakin zia Presbyterianism i taklatteu mang chan nasep tup zêl hitiu.

a lawsam ka hi em iki ti sek ua, zia hi dik lo kei a hi. Eima daw dan gualah i lim zawlo inle i hul ziate, i chau dante gen da hitiu in, i phul leh phullo hi a pawimaw pen ei pua, lunggil taka i kilat chun kikhawp lawsam a um thei pua'i.

Manipur Area Kochuam bik gen taleu hin Kochuam pum huap kikhawp chawlkâl khatah 4-vei a um a: (1) Pathianni Zîngkal-Sunday School, (2) Pathianni Zân - *Thugen*, (3) Kiginni Zân - *Pauchap gual kikhawp*, (4) Nilai zân - *member pitingte kikhawp bik a hi sek a*, Kochuam thununna leh thil pawimaw dang bawlin thupi zil a hi sek hi. Ziate khel ahin K.K.P. kikhawp (Seppatni) leh KNP kikhawp (Sepkitni) chuam a nei kit u'i.

Presbyterian Kochuam mêl latna pawimaw tak chu vaihawmna bâkah kikhawpna chiapi dan hi

a hi. Biakin mat dânah a pilvangin a ursun ma ma a, thu nasepna muna ding dingte le a dutui sek u'i. Biakin hi boruak zâum tak nuaiah titakzeta Pathian biakna dinga ngai a hi. Biakinah '*Pulpit*'-in mun langsâl pen leh sâng pen a chang ah. 'Pathian Thu' a ngaipawimaw pen zia a etsak a hi. Upate chu Pastorte tawh *pulpit* leh Lalpa dawkân bul maiah a chu sek u'i. Zia hin Lalpa Zânan leh Kochuamte châwmna ah tuantai chan chang ngâl thei mai ahi zia leh zia dingah a kimansa ahi ziau a etsak hi.

4. Presbyterian Kochuam khaw hei: I Kochuam khawhei zia hi a lian a, thagau khawvel bep hiloin i chenna khawvel hi chenna takah siam leh ziatak mun ah cheng tak dingah mihingte guangal hi a tup pen a hi. Sociologist minthang tak **Max Weber** inle, "Khristian gamte

him uh a hi. Chutichun, Khristian inkuan tung ding chun a kipatna hawi a ngai hi.

4) Khristian inkuan kibulpatna chu kichenna:

Pu. F. Malsawna chun, Khristian inkuan i gen uh hin a bul tak chu nupan a kisiam, nu leh pate hi i pawimawu ti hiat a kul tak zet hi. Ganchate guala chi suanna di chau kicheng hiloin, tisa pumkhata um a, kipumkhatna hin dan leh kipanpi tua a, Lalpa Kochuam leh thutak khuam kingakna hi dingin kiguanggal leh nupan ah kisiam i hi hi hiating a pawimaw hi a ti'i. Inkuan siam hi Pathian in a dutui leh a pilvang ma mai, ngaitua lawk lo leh fello taka Inkuan siam hi Pathian dawidan bangtik lai in le ahi ngai puai. Kichenna hi inkuan dinpatna bul pen a hia, kicheng dinga kiguanggal hi chu i bawl

tawklo deu uh a bang hi. Kisakkhawlna dan hi tisa lam thil deu ngen a hi. Kicheng dingten lungthim leh thagau lam kisaklawkna tam tawk tak nei a pawimawzia kihetawk lo deu a hi. Khristian inkuan tundinna dinga pawimaw pen chu kichenna hi Pathian in a guat ziate ngaitua in, pauchap a Pathian i dawt ding uh ahi. Abul apat a a fulo ahi chun, a lai lak ah siamphat a haksa ta sek hi. Zia zia chun, inkuan lawting tak tung ding thei ding in kichengna apata Khristian inkuan bulpatna i lep dik a pawimaw tak zet a hi. Ziagual bawk chun kicheng sâten le Pathian guat gual taka, kipumkhat a, kipanpi tua zel kawm in Khristian inkuan tundin det kawnga thei tawp sua a pan lak a pawimaw tak zet a hi.

Sutzawp ding...

THILPIAK AH LAL NASEPNA Sam 116: 12-14

*Rev. C. Lalrinliana
i/c Leijângphai Pastor Bial*

Thumapui: Thilpiak i gen cheng leh i lungthim ah hung kilang ngal chu thawlawm hi a hi. Thilpiak ah Lal nasep i ti hin kochuam nasep zelna ding ah thawlawm, bik in sum i thaw khawm teu hi i lungthim in a hung kilang ngal sek hi. Zia khel lam a hin thilpiak i ti hin sum mai hilo in thil dang, eimau taksa tiang a hinle thilpiak i hi thei uh a hi. Thilpiak a nasepna i ti hin eimau le hi thilnei dangte Pathian gam letna ding ah kipiakna, kipumpiakna tiin le gen thei hin a.

A sum ang zawnga zia thilpiak nasepna hi i gen chun phatchuam ngai tak luat zia ah chiasual khak thei a hi. I nek hawnau, i nek hawl dan leh i nisin nasepte i thil chun a gentu a ding in le a nawplona tiang a um thei sek hi. Mani kipaina leh Pathian a ding ah kikawichuamna gual ah ngai ah zia thilpiak ah nasepna hi i ngai chun umzia thuk tak nei thei kit ding a hi. A bang chu hitaleh, zia

thialpiak ah nasepna khel lam a hin Pathian lopina kiselgu mudaw leh Pathian thilhitheina lopi zia hi i gen tup zawk uh le hi thil dan ding zwk uh a hi t ii gen masa nuam hi.

I Bible chang tel hi van suithuk deu le hin. Sam 116:12-14 a hin chang 12-na hin i thupiu hi a genchian pen hi, ***“K chung ah a thil bawl phat zosia zia in Lalpa chu***

a nei u’i. PCI inle Kikhawp Puihuaina (*Manual of Worship*) a siam a, maleh, a thumapuiah chun ‘Pathian biak dan thu a zalen’ hi Presbyterian ze langsal a hi ti a hi.

2) Pathian biakna leh kipawlkhâwmna (*fellowship*) hi a chuama chiapi sek a hi. Biakna chu thiangkok leh zâum taka Pathian bia ah kikhawpna ahi zia kin hun bik nei sunga fel tak leh zâum taka mat dinga ngai a hi. *Fellowship* vang chu Pathian bia ah kipawlkhawmna hi chungin fellowshipna ah pangte dawi dan leh phûr zâwng suklatna kawngah zalên deu zâwka mat tangpi a hi. Tulai hin *Worship Service* leh *Fellowship* i ha helpawl talaw deu ta hileu hin a ki lang a. I khenchuam thiam uh a pawimaw ta ma mai. *Worship* chu a lailung ah Pathian kawin hi a pipen ahia, eima dawilam sanga Pathian dawilam en

ah za tak leh ti tak takah hun bik leh mun bika Pathian kianga kilatna a hi. A chawm lama i gen chun a lailungah Pathian kawina (*Devine Centre*) a hi. Fellowship a hileh vang chu a lailungah mihing kawin (*Human Centre*) a hia, i lunglut lamte, nuam i sak lam taphawt a kithawl hi. A sawt lam le i lunglut chan chan a kithawl a, kicheina lam tiangin a huap zalen deu a hi. Tûlai hin halna zia kate, limna leh phûrna i hawl takluat zia kin biakna ursun hile *fellowship* zia in a helpawl nasa tai ti thei a hi. Zia hi Baptist Kochuam zia deu hile a kilawm hi. Biakin za leh biakna ursun kawngah i *Presbyterian* zia dik tak hi sukhin zing a pawmaw hi.

3) Biakin sung za umna hi i sukhin thak kit uh a pawimaw tak zet hi. Ei dawi dan ah i tui le hi phul thut lo ahi inle, thugentu’n i tup gual ua a gen thiamlo chun

vaihawmna chu, ‘bangkim Pathian lopina ding a fel tak leh uluk taka hi vek ding a hi,’ a ti. Vaihawm dân mumal tak nei a dawziakin Dan bu mumal tak a nei a. Dân pi khelah dân neu tam tak a nei a; a châng chun ‘Dân Kochuam’ ti a gen a law chang le a um hi. Presbyterian Kochuam kivaihawm dân hi Kochuam kivaihawm dân pha pen pâwl a ngai a hi. A kivaihawmna dân hi fel tak a Bible ziltina tawh kituak thei penin a siam a hi. Vai a hawm in palzut leh thil a mawk bawl ngai pua, bangkim uluk tak leh kilawm takin a hiu a hi. Zia zia chun, *Presbyterian* thusuak chu a muang deu sek hi.

3. Pathian Biak Dân: Pathian biak (*Worship*) umzia chu i tup danteu, i dawidanteu nusia ah, “La dawigual hi dingin ka hung hi,” ti a kilatna hi

a hi. Hebrai leh Grik pauah Worship umzia chu **kûn** tina a hi a, kingaitawm taka Pathian ma ah kunna a hi. **Charle Lamb** ngei chun, “I lak uh hin Shakespeare hung lut le, i leng un ding ding i hiu a, Lal Jesu hung lut le vang i bawn un a ma ah la bawkkhup ding ihu,” a ti. Zia hin Pathian biak umzia a hilchian pha ma ma’i.

1) Presbyterian Kochuam chu Kochuam khenkhatte gualah phuaksa/siamsa (*liturgical worship*) manga kikaihuai i hi puau a, bul leh bal neilo pawlte gualah a pul kawm sena phur diakte tuidan ena kikaihuai i hi diak puau hi. Biak dan chiadan kituptak zâumtak nei, mipite phatchuampi thei di pen mumal tak tuk det zing a hi. Kikhawp Kaihuana Bu siam himaleh a kûl dungzui ah hidanglam dingin nasêmtute’n zalêna

bang a hem ka piak thuk ding”, a ti. A kiletawm thak dan a chun, “*Kei a ding ah a phat bek zia kin Lalpa bang a hem ka piak thuk ding*”, ti in a zik kit hi. Lal David hin Pathian hi Pathian chawihaw a nuam a, a chung ah Pathian phatna zosia a thillet in Pathian kiang ah bat nei in a kihia, zia a bat chu a damsung ngei ah dit kit a nuam a hi. A malsawmna nasa tak ka dawn zia in Lalpa chu bang a hem ka piak thuk ding a ti a hi.

A lungthim hi a dik ka sa khawp mai hi. Pathian malsawmna a hinna a dawn leh a mu zia a khan Pathian bat ne ii hiin a kihia, Pathian kiang ah piakthuk utna lungthim a nei khawlaw ta a hi. I thawlawm thaw teu hi chu it kawm kawm in i thaw sek ua, dik lo tak in i pia sek ua, Lal Davida chu chute gual chu a hilo tawp a hi. Chun,

a lungthim hi a thiang ka sa khawp mai hi. Pathian nasep a nawpna zia kha bat nei ah a kihiat zia a hi. Ei hawn vang Pathian mazawlnate hi i kihiatlo sak sek ua. Chun, Pathian na i sepna zia te chu Kochuam Upa i hi nawpna ziate, T/Upa i hi nawp zia te, KKP puitu, KNP puitu i hi nawp zia teu a hi sek a hi. Zias gual ah Lal nasepna chun limit a nei a, gamgi a nei a, power a down tak leh mat tak a hi ta pua’i. Puitu hi taklo hun in u tut bawl thei ding in i kingai sek u’i. Pathian malsawmna i dawn tam bek zia un Pathian kingin bat i nei ui ti lungthim ngaituana hi chu nei leu hin chu tu sang in Pathian na i sep nau hile masawn zaw ding i hi’u.

David hinkhua a hin Pathian hi a kigawl nasa khawp mai a. Bat nei ah a kingaina hile a awm ma ma hiin a kilang a. A chanchin

han thil kit le hin, Pathian kipuanna leh thilhitheina, a malsawmna mazawlna lopi tak hi Chiang takin a mu thei a, ama David ngei in le a mu a hi. A ziak chu mite musit leh minuainung Belampu mai mai apat in Isarel te Lal dingin Pathian in a chawisang a. Kidona mun in pathian in a panpi a, Philistia te, Moab te, Zobah te, Edom te, Amon te, Aram hnam te a zo vek a, a gam uh a lak piak zel ua, a a gam chu a lian ma ma ta, Euphrates lui tiang in a gam a hung lian ta a hi. Gal zawna mai hilo in vaihawm thiamna le Pathian in a pe ta a hi.

Sakhau lam in le Zion mun thiangtho leh Lal nasepna pandawktu a hi. Mi dawr dan a thiam ma ma bawk a, Phoiniki te chu lawipha in a saim a, Jerusalem ah Lal in le a sakpi a hi kha. Pathian malsawmna hi a dawng ma

ma ah, a bik tak ah Pathian in a ko, ka lungthim gual pu a ti a hi. Gihawi (music) a tum thiam ma ma bawk a, Pathian in hansanna in a thum zel bawk a hi.

Zia gual lawm ah pathian phatna dawngtu chun mazawlna petu pathian chu a hemil zing diak pua, a hinkhua a nungthil ah, a malzawlna dawn a mu in a damsung inle a dit sen ding a gingcha talo a hi, maleh piak thuk kit ding chu a nuam tinten a hi. Zia gual lungthim a nei ziak a chun Pathian a chung in a kipak ma ma a. Lungthim dik tak neitu David chung a chun Pathian a kipak ma ma ta a hi. Zia thialpiak a nasepna hi David hin a thinintiang in a sunzawm to peka, Lalpa kiang a chun bangkim a lan vek mai a hi.

Zia thilpiak a nasepna , Lal David in a

tiin puitu masate'n Upate chu Kochuama neitu chan chang dingin a fui sek ua; amavang, 'Presbyter' ti hin tûa Kochuam Upa i titeu bep hi a huap pua'i. Calvin chun Upa chi ni a guanggal a, pakhat chu **Ziltit Upa** a hia; zia chu thu leh *sacrament* nasepna saitua (*keng kawh*) dinga namdet *Presbyter* a hiu. A dang chu Kochuam enkawl leh kaihuaina kawnga *Presbyter* kithuapi/panpi ding sechuam **Vaihawm Upate** a hiu. Ziltit Upate chu Kochuam chawpna sêmtu a hiu a, Vaihawm Upate chu Kochuam kivaihawmna lam sêmtute a hiu. Kochuam Upate i nei dan uh taklatna ziak pen chu Kochuam vaihawmtu 'Presbyter' ti hin tu ma apatin Pastor-te leh Upa a kâwk sek a; Kochuam vaihawmna sâng penah le *Minister* leh Upate tam zat kibanga vaihawmna a hi.

4) Thupukna Bawzuitute: Pastor leh Upate'n thupuknate chu vawpdet in a bawzui sek ua. Kochuam vaihawmna chu a niam pen apat a sang pen tiangin a zau a, a ngaipawimaw ua, zawp a tup ua, humbit a tup tin ten sek u'i. Mimal dawid dan chet hilo leh lungthim sukha thil hilehle sep butin a tup sek ua; a lawtin lona dingin a gense ngai diak puau'. A pha tâwk lo a um inle vaihawmna ah bawk in a gen pha kit sek u'i. Thupukna humbit leh bawzui chu a mawpuakna a hi zia kin Pastor leh Upate chun Khâwmpi vaihawmnate chu gun takin a chiapiu a, a zilsek uh a hi.

5) Vaihawm a uluk in a kitup hi: *Presbyterian* Kochuama chun vaihawmna fel leh mumal nei dingin uluk takin a hi sek u'i. E.P. Clowney chun *Presbyterian* Kochuam

2) **V a i h a w m n a k i s a w n g s a w n:** Presbyterian Kochuam chu vaihawmna kisawng sawn (*Church Court*) manga kivaihawm i hiu. Zia Kochuam vaihawmna kisawng sawnte chu: Tualsung Kochuam Committee, Bial Khâwmpi, Presbytery Khâwmpi, Synod Khâwmpi leh Assembly Khâwmpi te a hiu. Ziate hin amau huam sung chiatin thuneina a nei chiat u'i. Dân bu mangin Kochuam vaihawmna a chiapi sek u'i. Ziate khel a hin Committee chi chuam chuam a um kit a, Bial leh Presbytery ah chun Standing Committee in Khawmpi kikala thu ngaitua ding kul umte a vaihawm sek hi. Ziagual baw chun Synod a chun SEC a um a, Assembly a chun Assembly Working Committee a um baw hi. Zia khel ahin nasepna suhat dingin Committee bak chuam chuam tam tak a um kit hi.

Zia Church Court te hin amau huam sung chiat ah thuneina leh thutawp neitu a hiu a, a vaihawmnateu le a zui ngei ding (*binding*) uh a hi. Thil kitup lo/pha lo deu a um hun inle mani thua nawl mai loin vaihawmna baw a gen phat kit ding a hi. Zia ziak chun, Khawmpi leh Committee thute hi a zâum a, a enkawltute chun sukpitin ngeile a tup sek u'i. *Zia Church Court* zosia chungah hin Khrista chu Kochuamte lû pen hiin a thuneina chu Bible mangin a chiapi a, a Kochuamte kiangah thuneina a pia. Zia chu Kochuam puituten vawp pha in a bawzui ua, Kochuam thuneina chu tualsung Kochuamah a kinga lian pen hiin *Presbyterian* chun a ngai a hi.

3) **V a i h a w m t u t e:** *Presbyter* tih hi 'Upa' tina a hia, *Presbyterian* tih chu 'Upate vaihawmna' a hi

nei gual hi eimau inle i nei ding dan uh lampi dik tak chu hi in a kilang hi, zia chu lugnthim kipakna a hi. Mihing hin thilpiak nasepna a hinkhua ah a nei theina ding a chun lungthim kipakna a nei a ngai hi. Zia umzia chun kipak mai mai hilo, lungthim ah kipakna tak tak i lungthim a hung um hi a hi. Lungthim kiapk leh kipaklo chu i hethei sek uh hilo a hem maw?. Lawtinna leh kipakna i chung ah a hung tun tak leh ei kipak pi tak tak te leh ei kipakpi mai mai te chu i hekhen thei ma ma'u hi.

Lal David hinkhua i et chun lungthim tak in a kipak hi ti a hiat thei a hi. A hina leh a dinmun zosia sang danglam vektu leh chawisangtu chu Pathian a hi ti a he chian ma ma ziak in a lungthim tak in a kipak a hi. Zia kipakna chu a tawp mai pua, huntawk

a sa mai pua'i. A kipakna nasa tak ziaka chun Pathian chu piakthuk a tup tin ten a hi.

Mihing hi lunggil tak ah a kipak chun a kipakna ziak chu, a thei dan dan in piakthuk a nuam sek a. I chung ua thil pha bawltu chu a thei a hi phawt chun a thei dan dan in thil pha hi piak i nuam sek uh a hi. Zia taka hin le i Practice pha ma ma un a kilang a. In i au a, lawi leh pai ten ei hung panpi siau siau ua, kipak etsaknan i theitawk ah ditkit ding i gua ham ham sek uh a hi. Lungthim tak ah mi a kipak chun a kipakna chu thilhi in a latsak sek a hi. David lungthim a um piakthuk kit nawpna chu eimau inle i nei uh a hi.

Sutzawp ding...

APOSTOL PAUL PAUCHAPNA

Rev. T. Zuanlal

Gingtute thuneina (Authority) hi Paul lekthawt Ephesa a hin Kochuam dangte kiang in a zikte sangin kichan tak in taklat a hi. Zia lekhabu a hin Thagau lam ah hiatna gil tak a um ziak in amasa bung masa pathumte hi gun tak ah sim ding in ka hun fui nuam a hi.

Phatak a i sim a hi chun Pathian thagau ah thaunu Pauchapna bung khatna leh bung thumna tawpna hin i mu'u hi. A hinlah zia pauchapna hi Paul in Ehesate â ding bep ah a pauchapna hiloin eimau haw â ding ah le i kilak ding uh a hi. Thagau thiangtho ah thununna zal ah Ephesa ah gingtute â ding ahi gual in eihaw a ding in le a hi. Tu hin Ephesa 1:16-20 sim hi ti'u:

16. *Ka pauchapnate a chun hun bezingin, nangmau ziak in kipakthu ka gen zing hi.*

17. *I Lalpau Jesu Khrista Pathian, lopina Pa chu, ama betna lam thu ah, pilna leh hiatsakna thagau a piak theina dingin.*

18. *Chuleh la lungthim mitteu chu hivak a hung hia, la het theina dingun, ama kona kinepnate, mithiangthote golua ding a lopi dante,*

19. *Chuleh, ama gingcha eihaw ah, thilhitheina tê guallo, a hatna lop ii nasep dan gual zel ah,*

20. *Khrista h a sep zaw tak, chutia, ama mithi lak apat kitho ah, van mun abte a changlam ah chut sak a...*

chiat umna Kochuam (e.g. *Roman Catholic, Anglican*) te hi a hiu a. Kochuam kivaihawm dânah thiampu lo chun chanvo leh thuneina a nei talaw puau hi.

➤ **Congregationalist:** Tualsung Kochuam tinte mani ah vaihawm chuamna, zawppi leh thuneina sâng diak um tak lona a hia, thuneina tawp a nei u'i.

➤ **Presbyterianism:** I gen tak sau gualin nasêmtu mimal thu gual hi lo a Khawmpu kisawng sawna Minister leh Upatê'n a vaihawm khawm nau a hi.

Prelacy leh *Congregationalist* kikal a um a hi. Presbyterian Kochuam *Presbyterian* saktu pen chu a kivaihawm dân a hi ti thei in ah. A kivaihawm dân kimtakin gen seng lo ding ihu a, a langsal bikte gen leu hin:

1) **A hawna vaihawmna a hi:** Presbyterian Kochuamah chun thuneitu bik a um pua, kidawngtua ah genkhawmna apatin

thupukna nei sek a hi. Hotu nei Kochuamte guala hotute dawidan namdetpi dinga chutkhawm mai gual a hi pua'i. Vaihawmna'n member tinin zalên takin ngaidân a gen thei vek a, *vote* kibang a nei chiat ua, Chairman bepin *vote* a nei pua'i (Pastor hi Chairman dinga ngai a hia, *vote* nei lo dinga ah ngai a hi). Zia gual hi a hi ziaakin vaihawm memberte mawpuakna a sang ma ma a hi. Vaihawmnaah memberte kithada a khaw ma ma a hi.

Alexander Hume in Presbyterian te chu "Puitu deu khatin thu a gen a, a dangin 'kei unle pha ka sau' la tiu a" a ti gual deu in a um thei hi. Hume baw chun, "A AW chu hi ta leu chun a tam pen hi *consonant* hin la tiu in, la puitu tawmchate hi *vowel* gual hin lau," a ti. A hawna vaihawmna ahin a pau hat bik a hem a um chun a buai um sek a; zia hi Presbyterian kivaihawmna ah pilvang a ngaina lai tak a hi.

PRESBYTERIANISM

- Rev. Kamkhotinthang Neihzial

Thumapui : ‘Presbyterianism’ ti hin a huap a lian ma ma ah. A paucam hin Kochuam kivaihawmna lam kâwk maleh umzia lian tak a kâwk thei tho bawk hi. Zia ziaak chun, a tangpiin a kivaihawm dânte, a Pathian biak dânte leh a tawivel dante gen ding i hui. Ziate zosia hi Presbyterianism nuaiah kawi vek ding i hui

1. Presbyterianism chu bang a hem?

Presbyterianism ti hin a kaw k pen a kilang chu ‘Upate vaihawmna nuaia Kochuam kivaihawmna’ a hem ‘Upaten Kochuam vaihawmna a channa’ ti thei hi tiu. *Presbyterianism* chu nasêmtu mimal thu hi loa khâwmpi kisawng sawn ah *minister* leh Upaten vai a hawmkhawmna thû ah kikaihuaina a hi. Presbyterian Kochuam chun Kochuam kivaihawmna a Upa (*Presbyter*) te’n chanvo a neina chu uarin Presbyterian ti min a pu a

hi. Sâp pau a *Presbyterian* ti chu Grik pau a *Presbuteros* ti apata lakdaw a hia, zia chu ‘Upa,’ ‘**vaihawmtu**’ tina a hi. Tichun, Upate vaihawmnaa Kochuam kivaihawm dân chu *Presbyterianism* chu a hi.

2. Presbyterian Kochuam Kivaihawm Dân

Khawvêla Kochuam chuam chuamte kivaihawm dân hi lâwm lian tak tak pathumah a khen thei a hi:
 ➤ **Prelacy:** Kochuam puitu/hotu thiampu lal dân kisawng sawn nei ah mani phâk tâwk a thuneina nei

Ephesa 3:14-19na sim kit hiti’u:

14. *Ziaziakchun, Pa maang a chun ka khupdin sek a hi;*
15. *Lei leh van inkuan zosia min sakpa,*
16. *a ,lopina hau dungzui ah thagau zalin, la sunggil lam ua chun thilhitheina suklat ah la umtheina dingun, ka pauchap in;*
17. *Chuleh hepina ah zungkai leh kinga in, Khrista chu ginna ziaak ah la lunggil sung ua a chen thiena dingin.*
18. *Mithiangtho zosai tawh a let dan, a sau dan a san dan, a thuk dan hetchian theina ding leh,*
19. *Khrista hepina hiatzaw guallo, Pathian bukimna zosia ah hidim ah laum theina dingin ka pauchap hi.*

Zia Paul pauchapna hi a umzia gil tak mai ah i hiat chian theina dingun Rev. Kenneth E Hegin in ama hiatna a gen hi ka hun taklang hi.

“Paul pauchapna hi mangcha in vel sangkhat sang ah tam zaw ka la pauchap ta, zia chu ka hinna kisâna pawimaw tak chu a hi. Tichun Bible chu tigual hin ka sim pan ngal ta, Paul pauchapna “nang/nangmau’ tina mun a chun ‘Kei’ ka kawiiin chuleh ‘La’ tina mun a chun ‘Ka’ ka kawi sek hi.

Etsakna’n Ephesa 3:14-17 sung ah pauchapna chu hiti gual hin a gen hi, “Zia ziaak chun pa maang a chun ka khupdin sek a hi, lei leh van ah inkuan zosia min saknapa a lopina hau dungzui in thagau zalin ‘ka’ sunggil a chun thilhitheina dingin ‘ka’ pauchap hi.

Zia gual ah pauchapna te a hin Biak In a khupdin hin hun sawt tak tak ka pauchap sek hi. Texas ah Pastor na ka sep lai a hi. Zia gaul ah ka pauchap tak leh Bible phetsan ka kawi sek ahi. Ka zi kiang in Pauchap ah chia ding ka hi thukin/ thukhawk ten ten a umlo chun ei subuai kiuin aw, ka tia. Zia gual a hin a chang leh nikhat a hin nivei a hilo leh thumvei ka pauchap sek hi.

Kum 1947 – 48 ah phalbi lai takin thaguk sung pauchapna'n ka mang hi. Ka pauchapna chu hiti gual a hin ka pan hi, "Pilna (wisdom) leh hiatsakna (revelation) ei piak theina dingin (Eph. 1:17). Tichun hiatsakna thagau chun na a hun sem tangal hi. Tuma lam ah ka hiat khaklo Bible thute ka hun theita, ka maang in Bible thugil te haw chu a hung kihawng

(reveal) ta hi. Kum 14 sung Pastor ka hina sang in zia tha 6 sung mai ah ka thil mudaw chu gamcheng in a thupi zaw'i".

Zia Pathian thu ka hun muchian phat a chun kala hiatlo dan ka hun muchian ten mai a. Ka zi kiang a chun, "Zia kum ala chia tasate a khan bangthu bep ala gen ka hi diam aw?" tiin ka gen hial mai hi.

Thagau ah pat ah pilna leh hiatsakna hi Khrista apat i nei ngei ngei uh a ngai hi. Chuleh, a thu ah khanletna tawh. Zia Pathian thugil hi thuak hetna ah hiatdaw di gual a hi pua, maleh Thagau Thiangtho chun eimau ah a suklat di a hi zaw'i.

Mi khenkhat chun a lawi leh paiteu â dingin bang gual ah pauchap ding a hi diam ti a he nuam

ua, ka dawnhuna a chun Ephesa a pauchapna gual a hin pauchap piak le chun a hinkhua ah danglamna mu ngal ding la hi. Nangma a ding ah la pauchap gualin â mau a dingin le pauchap in. Kum tam tak a la chia ta a khan zia Bible pauchapna gual a hin ka chanaute, ka inkuante â dingin nikhat in nivei ka pauchap sek hi. Mi khenkhat chun sukdamna dawng nuam maleu Bible in sukdamna bang gual in a gen em ti a he pua'u hi.

Ka pauchap sin leh a malam ah i gensa gual khan a min uh ka pauchapna thupi lak a khan ka pansak ngal sek hi. Zia gual ah ka pauchap piakte chu Thagau thiangtho in a mit uh a hivak piakin a hung danglam ngal sek u'i. Bible ah pauchapna gual ah ka pauchap piak phatin tuma lam ah hun sawtpi tak ka la pauchap piakte damna ka

hun muta a hi. Pauchapna ga chu muthei a hung hi ta'i.

Gingtu hinkhua ah thupi pen chu pauchapna a hia, Pathian gam nasepna gasua tak zet dingin Pathian mite pauchapna gual ah ei hawn le i mat tak zet uh a kul hi. Eima a ding ah i pauchap tak zet thei tak leh midang a dingin pauchap thei ta'i ti'u in, a tawp leh Lalpa Pathian nasep muchian thei ding i hi'u. Thagau in Pathian thu mang ah pauchapna thugil ei muchian sak chiat ta hen. Amen.

Joint Presbytery Inkhawmpi

A mun :S. Kawtlian Kochuam

A hun :26-27, Oct. 2019

Thupui : "Kunglam del'

Speaker :Rev. Lalzuithanga,

Ex. Moderator Mizoram Synod